

# Nettengd Biblía fyrir börn

## kynnir

# Uppáhaldssonur verður þræll



Höfundur: Edward Hughes

Myndskreytingar: Byron Unger; Lazarus

Þýðandi: Práinn Kristjánsson

Aðlagð af: M. Kerr; Sarah S.

Saga 7 af 60

[www.M1914.org](http://www.M1914.org)


*Bible for Children, PO Box 3, Winnipeg, MB R3C 2G1 Canada*

Skilmálar: Þér er heimilt að afrita eða prenta þessa sögu, en ekki selja.

Íslenska


Icelandic

Ísak var í góðu skapi. Jakob sonur hans var heima. Meira að segja Esau fagnaði bróður sínum sem hann hafði áður heitið að drepa. En synir Jakobs voru óánægðir að Jósef skyldi vera hans uppáhaldssonur.



1

Bræður Jósefs urðu enn reiðari er hann sagði þeim drauma sína. "Kornknippi mitt reysti sig og kornknippi bræðra minna lutu fyrir mínu." sagði Jósef. Draumurinn þýddi að Jósef væri hafinn yfir bræður sína.




2

Í öðrum draumi Jósefs, lutu sólin, tunglið og stjörnur fyrir honum. Jafnvel Jakob faðir hans reiddist honum fyrir að upphefja sig yfir foreldra sína og bræður.




3

Dag einn sendi Jakob Jósef út á akurinn þar sem bræður hans voru að gæta hjarðar föður síns. Bræður hans sáu hann koma. "Við skulum drepa þennan draumamann," mulduðu þeir. Jósef gerði sér ekki ljósa hættuna sem steðjaði að.




4

Rúben, elsti bróðirinn, var ósammála. "Við megum ekki úthella blóði," sagði hann. "Sjá, hér er gryfja. Látið hann deyja þar!" Rúben ráðgerði að bjarga Jósef síðar um kvöldið.



5

Þegar Jósef kom, tóku bræðurnir hann og afklæddu hann úr marglita kyrtlinum sem Jakob hafði sérstaklega gert fyrir uppáhalds son sinn. Síðan fleygðu þeir honum ofaní gryfjuna.




6

Í fjarveru Rúbens nálgast úlfaldalest sem var á leið til Egyptalands.




7

"Við skulum selja Jósef," hrópaði Júda bróðir hans. Samningurinn var gerður. Þeir seldu Jósef fyrir tuttugu silfurpeninga.



8

Gráti nær og skelfingu lostinn, horfði Jósef á hjálparvana meðan úlfaldalestin hnikaðist hægt og sigandi á brott frá fjölskyldu hans og heimalandi.



9

"Er þetta kyrtill Jósefs? Hann er blóðugur. Við fundum hann í eyðimörkinni." Bræðurnir miskunnarlausir komu Jakob til að trúá því að upphalds sonur hans hafði verið drepinn af villidýri. Jakob reif klæði sín yfirkominn af sorg. Engum tókst að hugga hann.




10

Jósef hlýtur að hafa verið hræddur og einmana í Egyptalandi. Líklega hefur hann saknað heimahagana. En hann gat ekki flúið. Hann var þræll í húsi Pótífarar, háttsets Egypta. Pótífar sá að Jósef var duglegur til vinnu og áreiðanlegur.




11

"Allt sem þú leggur hendi á er vel gert," Pótífar sagði við Jósef einn daginn. "Guð er með þér. Ég vil að þú verðir yfirmaður minn, sjáir um öll mín viðskipti og hafir yfirumsjón yfir öllu mínu starfsfólki."



12

Guð gaf Pótífar góða uppskeru og mikil auðæfi vegna Jósefs. Þrátt fyrir upphefðina hélt Jósef áfram að treysta og þjóna Guði af trúfesti. En vandræði steðjuðu nú að Jósef.



13

Kona Pótífarar var syndug kona. Hún reyndi að tæla Jósef til að leggjast með sér, en Jósef færðist undan. Hann vildi ekki syndga gegn Guði og þar með að svívirða Pótífar.



14

Þegar konan reyndi að þvinga hann, flúði hann undan. En hún greip og tók skikkju hans.



"Þræll þinn réðst á mig," kvartaði kona Pótífar. "Sjá, hér er skikkja hans!" Pótífar reiddist. Kannski vissi hann að kona hans var að ljúga. En hann varð að gera eitthvað. Hvað átti hann að gera?



Pótífar lét setja Józef í fangelsi. Þótt hann væri saklaus, var Józef hvorki bitur né reiður.



Kannski var honum að lærast af erfiðleikum sínum að hvar sem hann var, ef hann heiðraði Guð, mundi Guð heiðra hann - meira að segja í fangelsi.



Uppáhaldssonur verður þræll

Sögu þessa úr heilagri ritningu, biblíunni,  
er að finna í

Fyrsta Mósebók 37 og 39

"Þegar orð þín ljúkast upp, ljóma þau."  
Sálmarnir 119:130

Guð veit að við höfum öll gert rangt af okkur, sem hann kallar synd. Hegning syndarinnar er dauði.

Guð elskar okkur svo mikið að hann sendi son sinn, Jesú, til að deyja á krossi til að borga fyrir syndir okkar. **Jesús lifnaði á ný** og fór aftur til himnaríkis. Nú getur Guð fyrirgefið syndir okkar.

Ef þú vilt snúa baki við syndum þínum, segðu þá eftirfarandi til Guðs: Góði Guð, ég trúi að Jesús hafi dáið fyrir mig, og komið svo aftur til lífs. Ég bið þig nú að koma inni líf mitt og fyrirgefa syndir mínar, svo ég geti öðlast nýtt líf og verið með þér alla eilífð. Hjálpaðu mér að lifa fyrir þig sem Guðs barn. Amen

Lestu biblíuna og talaðu við Guð á hverjum degi!